

Du bisch willkomme

(T: 120)

Intro: G/C/D/G (2x)

Na stasch als Stern am Himmel - luegsch volle Gwunder zue
Was da une alles los isch - und s'laht der e kei Rueh
Zwei Mänsche stäched use - die ziehnd dich ganz fescht aa
Det isch e so viel Liebi - det wottscht du ane gah!

G/C/D/G (2x)

E lüüchtendi Sternschnuppe - ich glaub die zwei händs gseh
Zieht ihri Bahn am Himmel - es Wunder isch am gscheh.
Dänn bisch im Buuch vom Mami - du fühlst dich scho dihei
Papi und Mami freued sich - du freusch dich uf die zwei

G/C/D/G (2x)

Jetzt simmer ziemli uufgret - es chunnt da ganz viel Nöis
Mir wänd dass du zu eus chunnsch - und du - du wottscht zu eus.
Mir boued scho es Näschtli - wo du dänn dri söllsch cho
Es dräit sich alles rund um dich - mir freued eus eso.

G/C/D/G (2x)

Mir händ eus dich ganz fescht gwünscht - wie schön dass du dörfst cho
Du bringsch eus so zum Lüüchte - und machsch eus alli froh.
//Du bisch es Chind vo Liebi - euses Läbe isch e Fiir
Bi eus bisch du willkomme - mir säged ja zu dir// 2x

G/C/D/G (2x)